

Fasnacht 1965



Pfluderi-Asyl (Pfluderi - Alti Garde)

Sujet:

Lord NARR-AN STINGGERTON

Vo-ne-me Lord nämme mir a
er sott e bitzli Astand ha
sott standesgmäss erzoge si
und Bildig ha no obe-dry,
doch git's in Aengland äne eine
e so-ne Gartezwärg, a glaine
wo mit sim Ohregryblerranze
ganz duet uss dr Reihe danze
au sint Landslyt wärde stutzig
will ör seit mir syge schmutzig
mer däte s'ganz Johr nie bade
mer haige schwarzi Fless und Wade
mer haige Drägg in unsere Ohre
und däte stingge wie-ne Moore.
Wo het au dä si Weisheit gstohle
het dä ebbe scho-ne-moole
in dr Rhygass äne-kenne
bi-n-ere Trottoiramsle penne
denn kennt-e-mer's zur Nat verstoh
söll Gschmäggli lauff eim wirgglig noh
doch wurd'ts das nit stargg berlehre
das ka jo z'london au passiere.
Oder het dä giftig Zwärg
villicht emool am Spalebärg
bi's Ehrsame schwarze Kaffi drungge
dert het's doch mäggmool au scho gslungge,

me meint jo als am Radio
si hebe d'Abetir off'gloh.
Es kennt au durchuus meeglig si
do wär jo witer nit derby
er isch, wär het's nit scho verroote
in e Mirage-Sitzig groote
wie's dert als gstungge het vor Drägg
das schläggt bestimmt kei Geiss ewägg.
Oder Isch dä kaibe Gluschi
ab und zue zem Bärner Guschi
denn kennt me's wiederum begriffe
dert schmeggt's doch soo noh kalte Pfyffe.
Het lhn am Änd no d'Fasnacht gsteert
denn weiss me wo-n-er ane-gheert
denn isch er sicher ein vo däne
wo mit Ihrer Supermähne
s'Muggehini mien verdegge
ass me d'Dummheit nit duet schmegge
ein vo däne Beatles-Gelle
wo me niene meh het welle.
Zum Troscht syg's jedoch alle gseit
e so-n-e Lord isch Sälteheit
und Dummheit macht zem Gligg nit weh
sunscht kennt-e-mer dä Lord no gseh
wie-n-är in Ängland z'hinderscht hinde
sich miesst in sine Schmärze windel

Am Fasnachts-Zytschifig goht me nadyrlig
in d'Muschtermäss an d'Ladärne-Ustellig.
